



# Գուրգեն Մահարի

## Բարդ հաշիվ

Միրեցիր ինձ ու ես քեզ,  
Մենք, մեկմեկու համար որս,  
Մեր սերը պարզ էր, որպես  
Երկու անգամ երկու՝ չորս:

Օրեր անցան հրահուր,  
Գարնան նման անստվեր,  
Պուրակ, կաժան ու համբույր,  
Քնքուշ խոսքեր ու ստեր:

Երբ չմնաց ոչ մի վարդ,  
Տվինք հրաժեշտ մեկմեկու.  
Մեզ վրա պաղ ու հանդարտ  
Աշնան ամպն էր հեկեկում:

Մենք մեկմեկու ուրացանք  
Հանգույցներում օրերի,  
Եվ պարտեզն այն եռացանկ,  
Եվ ժամերը մտերիմ:

Ու սուտ թվաց ամեն գույն,  
Ու անարժեք ամեն որս,  
Ու թվաց, որ չի անում  
Երկու անգամ երկու՝ չորս...